

NË EMËR TË POPULLIT

GJYKATA THEMELORE GJAKOVË - DEGA RAHOVEC/Departamenti i Përgjithshëm - Divizioni Penal, gjyqtari i vetëm gjykues Mizahir Shabani, me zyrtarin ligjor Getoar Ademi, në çështjen penale kundër të akuzuarit I. T. nga Rahoveci, për shkak të veprës penale të vjedhjes së shërbimeve komunale nga neni 320 të KPRK-së, i akuzuar sipas aktakuzës së Prokurorisë Themelore Gjakovë - Departamenti i Përgjithshëm, PP.nr.1369/2016 të datës 30.11.2016, pas mbajtjes së shqyrtimit fillestar, në prezencën e përfaqësuesit të akuzës Prokurori i Shtetit Mone Sylja, dhe të akuzuarit, me datën 13.08.2018, mori dhe publikisht shpalli këtë:

A K T G J Y K I M

I akuzuari:

I. T., nga i ati H. dhe e ëma F., e gjinisë H., i lindur me datën ... në Rahovec, ku edhe tani jeton, me nr. personal të identifikimit ..., i pa punë, ka të kryer shkollën e mesme, i martuar, i ati i tre (3) fëmijëve, i gjendjes së dobët ekonomike, shqiptar, shtetas i Republikës së Kosovës.

Ë S H T Ë F A J T O R

Sepse:

Ndërmjet datës së pavërtetuar e gjerë me dt.21.12.2015, në biznesin e tij – furrën e bukës në rr.”A. B.”, me qëllim që ti sjell vetit pasuri në mënyrë të kundërligjshme, ka shfrytëzuar në mënyrë të paautorizuar energjinë elektrike, në atë mënyrë që gjatë kontrollit është konstatuar se jashtë njehsorit elektrik nr.63841699 përmes kabllos 3x2.5 është lidhur direkt në rrjetin elektrik, me këtë veprim energjia elektrike e shpenzuar nuk është regjistruar, gjendje kjo e konstatuar nga personat e autorizuar të KEDS-it – Distrikti në Gjakovë, me dt.22.12.2015, me çka të dëmtuarës i ka shkaktuar dëm në vlerë rreth 5,363.99 €.

Me këtë ka kryer veprën penale të vjedhjes së shërbimeve komunale nga neni 320 të KPRK-së.

Andaj, gjykata konform nenit 4, 6, 7, 17, 41, 42, 49 par.1 pika 1.1, 50, 51, 52 dhe 73 të KPRK-së, si dhe nenit 365 të Kodit të Procedurës Penale, të njëjtit i shqipton:

D Ë N I M I N M E K U S H T

Gjykon me dënim me gjobë në shumën prej dyqind (200) euro dhe dënim me burgim në kohëzgjatje prej nëntëdhjetë (90) ditëve, të cilat dënime nuk do të ekzekutohen, nëse i akuzuari brenda kohës së verifikimit në afat prej një (1) viti, nga plotfuqishmëria e aktgjykimit, nuk kryen ndonjë veprë tjetër penale.

E dëmtuara KEDS - Distrikti në Gjakovë, udhëzohet që kërkesën pasurore juridike ta realizojë në kontest civil.

Detyrohet i akuzuari që të paguaj shpenzimet e paushallit gjyqësor në shumën prej tridhjetë (30) euro, e të gjitha këto në afat prej 15 ditëve nga dita e plotfuqishmërisë së këtij aktgjykimi.

A r s y e t i m

Prokuroria Themelore Gjakovë - Departamenti i Përgjithshëm, në këtë gjykatë ka paraqitur aktakuzën PP.nr.1369/2016 të datës 30.11.2016, kundër të pandehurit I. T. nga Rahoveci, për shkak të veprës penale të vjedhjes së shërbimeve komunal nga neni 320 të KPRK-së.

Gjykata ka caktuar seancën e shqyrtimit fillestar me datën 13.08.2018, ku ka qenë prezent përfaqësuesi i akuzës Prokurori i Shtetit Mone Sylja, i akuzuari, ndërsa nuk ka qenë prezent përfaqësuesi i të dëmtuarës, edhe pse gjykata ka prova se i njëjti ka pranuar ftesën në mënyrë të rregullt dhe mungesën nuk e ka arsyetuar.

Pas leximit të aktakuzës nga Prokurori i Shtetit, njëherit bënë përmirësimin e dispozitivit të aktakuzës dhe në rreshtin e fundit ku përcaktohet dëmi prej 5.363.99 Euro, nuk është caktuar nga eksperti andaj duhet të jetë vlera rreth 5.363.99 Euro, ndërsa pjesa tjetër mbetet e pandryshuar.

Gjyqtari i vetëm gjykues pasi është bindur se i akuzuari e ka kuptuar aktakuzën, të njëjtit i ka dhënë mundësinë që të pranojë ose të mos e pranojë fajësinë dhe pasi i akuzuari e ka pranuar fajësinë, gjykata e ka njoftuar lidhje me efektet e pranimit të fajësisë. Po ashtu është kërkuar edhe mendimi i Prokurorit të Shtetit lidhur me pranimin e fajësisë nga ana e të akuzuarit, i cili ka deklaruar se është i pajtimit me pranimin e fajësisë.

Andaj nga të lartëcekurat, pasi që janë plotësuar kushtet e parapara sipas dispozitave të nenit 248 par.4 të KPRK-së, për shkak se i akuzuari në fillim të seancës fillestare është deklarua i fajshëm, në tërësi e ka pranuar veprën penale për të cilën akuzohet, gjykata nuk ka proceduar administrimin e provave.

Gjyqtari i vetëm gjykues, pas pranimit të fajësisë nga i akuzuari, ka gjetur se i njëjti ka kryer veprën penale të vjedhjes së shërbimeve komunale nga neni 320 të KPRK-së dhe gjendjen e tillë faktike e mori ashtu sikur ishte përcaktuar në aktakuzë dhe provat për të cilat i përmban aktakuza e të cilat janë: Procesverbali mbi konstatimin e gjendjes faktike me nr.1054025 të dt.21.12.2015, fatura mbi dëmin e shkaktuar me nr.DGJ16HP05577 të dt.22.12.2015, foto-dokumentacioni, si dhe shkresat e tjera që gjenden në lëndë, gjykata ka ardhur në përfundim se në veprimet e të akuzuarit formohen të gjitha elementet e veprës penale me të cilën akuzohet, andaj gjykata ka vendosur të njëjtin ta shpall fajtor dhe ta gjykojë në bazë të ligjit.

Me rastin e caktimit dhe matjes së dënimit gjykata ka marrë parasysh të gjitha rrethanat që ndikojnë në llojin dhe lartësinë e dënimit sipas nenit 73 dhe 74 të Kodit Penal të Republikës së Kosovës, ashtu që si rrethanë lehtësuese ka marrë sjelljen korrekte të akuzuarit në gjykim, i njëjti është deklaruar i fajshëm, si dhe i vjen keq për rastin që ka ndodhur, ndërsa rrethana veqanërisht rënduese nuk gjeti, andaj të njëjtit ia ka shqiptuar dënimin me kusht me shpresë dhe bindje se edhe me këtë dënim do të arrihet qëllimi i dënimit të paraparë me dispozitat e nenit 41 të KPRK-së.

Vendimi mbi udhëzimin e të dëmtuarës që kërkesë pasurore – juridike të realizojë në procedurë të rregullt juridiko civile bazohet në nenin 463 të KPPK-së.

Vendimi mbi shpenzimet e paushallit gjyqësorë bazohet në nenin 450 par.1 dhe 2 nënpar.2.6 të KPPK-së.

Nga sa u tha më lartë, e në bazë të nenit 365 të KPPK-së, u vendos si në dispozitiv të këtij aktgjykimi.

GJYKATA THEMELORE GJAKOVË - DEGA RAHOVEC
- Departamenti i Përgjithshëm - Divizioni Penal -
P.nr.452/2016, me datën 13.08.2018

Zyrtari Ligjor,
Getoar Ademi

Gjyqtari i vetëm gjykues,
Mizahir Shabani

UDHËZIMI JURIDIK: Kundër këtij aktgjykimi pala e pakënaqur ka të drejtë ankese në afat prej 15 ditësh, nga dita e pranimin të këtij aktgjykimi, Gjykatës së Apelit në Prishtinë, nëpërmjet kësaj gjykate.